

天順襄陽郡誌

天順襄陽郡誌

重刊襄陽郡誌卷第二

學校

本府

儒學在郡城之東南元季兵燹惟大成殿存

國朝洪武初年知府張善教授王子善重建前廟後學大成殿三間兩廡東西廡各九間戟門三間靈星門三道泮池捲洞橋三座在靈星門內神廚庫房各三間宰牲房一間連神廚在大成殿東仍舊明倫堂三間東西耳房各一間東西四齋曰思誠日新曰時習止善每齋各三間歲久滲漏楹棟腐朽景泰七年知府元亮鼎新重建會饌堂三間在明倫堂東仁字殿三間在饌堂東北仍舊射圃一所在學前東南學門三間



在大成殿西向梓潼廟在東廡後南向踊房二所一所在泮池東一所在西廡後井二眼一在神厨前一在西廡後踊房前

襄陽縣

儒學在郡城內鼓樓北大街之西前代興廢無考

國朝洪武五年知縣翟居仁教諭黃子純建立前廟後學大成殿一間兩廡東西廡各七間戟門三間靈星門三道明倫堂三間東西齋各三間東曰存誠西曰養性會饌堂三間在明倫堂東年深棟宇俱朽天順四年知縣李人儀視殿廡門因舊基重建飾以丹碧明倫堂兩齋廣其舊址購巨材重建規制高爽藻繪壯麗會饌堂遷於明倫堂西南向亦廣舊規舊覆以竹篾

今更以陶瓦新其彌房二十間在會饌堂後學門一座在靈星門西南向文昌祠在學門內倉在大成殿西射圃一所在學之西

棗陽縣

儒學在縣治南元泰定元年縣尹鄭思易創建殿堂廊廡庖厨庠舍俱完現存碑記元季兵燹

國朝洪武五年知縣吳子俊教諭周夢昌重建前廟後學大成殿一間兩廡東西廡各三間戟門三間靈星門三道神厨宰牲庫房各三間明倫堂三間東西齋各三間東曰時習西曰日新會饌堂三間倉一所射圃一所在學東

宜城縣

儒學在縣治東南洪武五年興建知縣王觀訓導陳
翬遵奉修前廟後學大成殿三間東西兩廡各三間
靈星門三道宰牲房一所神厨三間庫房一所明倫
堂三間東西二齋各三間東曰時習西曰日新射圃
一所在縣東

南漳縣

儒學在縣治東創於有宋毀於紹興之兵元至正辛
巳縣尹劉禮脩復元季兵燹

國朝洪武五年縣丞王禮訓導李文昌重脩大成殿一間兩
廡東西廡各三間戟門三間靈星門三道神厨宰牲
庫房各三間在靈星門內明倫堂三間東西二齋各
三間東曰進德西曰復禮會饌堂三間在東齋後舍

一所在東廡後射圃一所在明倫堂後

穀城縣

儒學在縣治東南宋歐陽脩學記云穀城令狄君栗
為其邑未逾時脩文宣王廟易於縣左為學舍於其
傍後因兵燹至元乙丑主簿于諒仍舊址脩葺至正
壬午縣尹丹徒單郅重修自此皆仍其舊大成殿三
間戟門三間靈星門三道神厨宰牲庫房各三間明
倫堂三間東西齋各三間東曰務本西曰進德會饌
堂三間倉一所射圃一所在學西

光化縣

儒學在縣治東南前代舊有基址久遠毀廢至元癸
酉郭萬戶建平屋三間為殿尋復傾圯元統二年縣

尹朱澤重脩元季兵燹

國朝洪武五年知縣陳聰訓導馬鐸因舊址脩復前廟後學
大成殿三間東西廡各三間戟門三間靈星門三道
神厨宰牲庫房各三間明倫堂三間東西齋各三間
東曰進德西曰脩業會饌堂三間倉一所射圃一所
在學前之南

房縣

儒學前朝在邑城內之東北洪武八年知縣張瑀訓
導陶實改建于東門之外前廟後學大成殿三間東
西廡各三間靈星門三道神厨宰牲庫房各三間明
倫堂三間東西齋各三間東曰日新西曰時習會饌
堂三間倉一所射圃一所在學南

竹山縣

儒學在縣治東創自前代元季兵燹

國朝洪武十三年知縣郭士賢重建前廟後學大成殿三間
東西廡各三間戟門三間靈星門三道神厨宰牲庫
房各三間明倫堂三間東西齋各三間會饌堂三間
倉一所

上津縣

儒學在縣治北舊無學校

國朝洪武五年興建主簿明思禮訓導董煥章遵奉於舊廡
檢司基址創建前廟後學大成殿三間東西廡各三
間戟門三間靈星門三道神厨宰牲庫房明倫堂東
西齋各三間東曰進德西曰脩業射圃無

均州

儒學在州治東南元季兵燹

國朝洪武四年同知翟慶訓導楊輓仍舊基重脩前廟後學
大成殿三間兩廡東西廡各三間戟門三間靈星門
三道神廚宰牲庫房各三間東西二齋各三間東曰
育材西曰進學會饌堂三間學倉一所在學西射圃
一所在城西廣盈倉側

鄖縣

儒學在縣治東元達魯花赤亦憐真訓導李從心創
建元季兵燹

國朝洪武六年知縣馬伯庸訓導劉孝章仍舊基重脩前廟
後學大成殿三間東西廡各三間戟門三間靈星門

三道神厨宰牲庫房各三間明倫堂三間東西齋各三間東曰游藝西曰崇禮會饌堂三間學倉一所射圃一所在明倫堂後

廨舍

襄陽府

府治在南門內正街之西洪武乙巳年知府張善創建府堂歲久傾圯景泰七年知府元亮重建經歷司在府堂西照磨所在府堂東燕思堂即重堂在府堂後司獄司在儀門外之西南巨資庫在儀門外東圍門之上架間庫在照磨所後知府私宅在燕思堂後同知私宅在知府宅東通判私宅在知府宅西推官私宅在同知宅南經歷私宅在通判宅南知事私宅在推官

宅南照磨私宅在經歷宅南檢校私宅在知事宅南
司獄私宅在儀門正南板榜亭後府大門臨南門正
街東向天順四年知府元亮重建視舊高廣有加焉
按察分司即荊南道在府前大街之東洪武十年知
府尋适創建天順四年知縣李人儀撤舊重建

布政分司在大十字街東與玄都觀並正統年間創
建天順四年知縣李人儀撤舊重建

陰陽學在鼓樓南銅鞮坊東洪武十七年正術龍景
雲創建址存

醫學在鼓樓南正街之西乙巳年置惠民藥局洪武
十七年設洪武三十一年革去三十五年復設址存
僧綱司在大十字街之東北圓通寺內洪武十三年

都綱福師設置

道紀司洪武間在西門大街南玄都觀內宣德年間
觀遷千大十字街東道紀司仍在焉

稅課司舊在大十字街北洪武二年副使劉謙建立
大盈倉在鼓樓北大街西襄陽縣學之右乙巳年知
府張善同倉官許仲才建立

旌善申明亭在府前門外之左右洪武五年知府尋達設置

襄陽縣

縣治在郡城西北隅洪武乙巳年知縣翟居仁建立
典史廳在縣堂之東知縣私宅在重堂後縣丞私宅
在知縣宅東主簿私宅在知縣宅西典史私宅在縣
丞宅南天順三年知縣李人儀以縣治為敷政之所

舊規卑陋弗稱瞻仰且建立歲久日就傾塌遂展拓
舊址購材重建正堂三間兩耳房抱厦三間重堂三
間楹棟材皆合抱繪飾華麗東西司房各九間縣門
三間高廣視舊有加規模宏偉縣門內東建獄神廟
西向西置架閣庫東向露臺月堦咸甃以石甬道中
置戒石銘碑亭一座新建榜房九間于縣街南北向
與縣門對公廨吏舍俱撤舊新建縣治為一新焉
河泊所在縣西西河套洪武十六年河泊楊貞建立
漢江驛在縣北大北門外之西洪武四年驛丞呂成
創建天順二年知府元亮知縣李人儀撤舊重建
湮口驛在縣南水路一百二十里洪武四年驛丞關
良創建

存留倉舊在縣門內西三間洪武六年知縣郭文質
建立天順三年知縣李人儀因新縣治迁于縣門外
西南北向

儒學倉在本學洪武十六年知縣郭文質建立

旌善申明二亭在縣治前街相連北向天順三年知
縣李人儀迁旌善亭於街北南向與申明亭相對

呂堰驛在縣北七十里正統年間創建規制狹隘天
順三年知縣李人儀悉撤去之正廳後廳使臣寢舍
東西廂房譙樓驛門庫庖垣墻俱各新建視舊高廣
而為驛傳之偉觀焉

預備倉在縣西北三里正統年間建置

養濟院在縣西南隅洪武十年知縣郭文質設置天

順二年知縣李人儀廣舊址以重建焉

棗陽縣

縣治洪武四年知縣吳子俊建置至今無改

按察分司在縣治東南 布政分司在縣治東北

陰陽學在縣治北洪武十七年訓術許仲文創建三十一年裁革三十五年復設

醫學在縣治東洪武十七年訓科余慶創建三十一年裁革三十五年復設

存留倉在縣治西

預備倉在縣東

儒學倉在縣西

旌善亭在縣門東洪武十七年縣丞吳福興設置

申明亭在縣門西洪武十七年縣丞吳福興設置
養濟院在縣治西舊傾壞永樂元年知縣袁立紀重
建

宜城縣

縣治乙巳年知縣王觀建置

按察分司在縣街西

布政分司

陰陽學在縣南洪武十七年訓術馬郁創建洪武三
十一年裁革三十五年復設

醫學在縣南洪武十七年訓科立處仁創建洪武三
十一年裁革三十五年復設

僧會司在縣南西報恩寺內洪武十七年僧會滿先